

Naalakkersuisut siulittaasuata ammaanermi oqalugiaataa
(Naalakkersuisut siulittaasuat)

Ataqqinartoq Inatsisartut siulittaasuat, ataqqinartut Inatsisartuni ilaasortat nunaqqatikkalu tusarnaartut isiginnaartullu.

Inatsisartut siulittaasuanut qujavunga tikilluaqqusilluni oqaasiinut.

Tamatta pinngitsoqarata nalunngilarput qangatut ingerlasinnaajunnaariartorluta.

Politikkikku aalajangersagassat pingaarutillet siunissaq ungasissosq isigalugu aalajangersaaffigisassavagut. Misilitakkattami takutereerpaat ullormiit ullormut pipallatanik aalajangersaasarnerit toqqisisimanaarnatillu aqqutissaanngitsut.

Nunatsinni ineriartornerup atugarissaarnerlu qanoq qulakkeerneqarsinnaanerat pillugu oqallisissiaq tunngavissiatullu nalunaarusiaq majip naalernerani saqqummerput.

Taakkua Akileraartarnermut Atugarissaarnermullu Ataatsimiititaliap sukumiisumik suliaasa ersarissumik oqariartuutigaat maanna killiffiusoq periarfissaanngitsoq. Saqqummersitani taakkunani pissutsit inuiaqatigiinni atuuttut tamatigoortumik sammineqarput Naalakkersuisunilu assut qilanaarluta pissangavugut isumaliutissiissutip februarimi naammassineqarnissaanut.

Inuiaqatigiimmik atukkamikkut ajornartorsiutaat naggueqarput innuttaasut nunatta suatungaani najugaqartuunerannit, atuartitaanikkut ilinniartitaanikkullu tunulequtarisaannit aammalu suliffeqarnerup inunnillu isumaginninnerup tungaatigut qanoq inissisimanerannit.

Misisuinerit uppermarsiseqqippaat inuiaqatigiit akornanni naligiinnginneq alliartortillugu inuiaqatigiit ajornartorsiutaat aamma alliartortartut. Ilumoorpoq inuiaqatigiit atukkamikkut

atugarissaarnerulersimammata, kisiannili tamatuma ilutigisaanik inuiaqatigiit akornanni iluaqtissat periarfissallu agguataarnerat erseqqissumik assiginnginnerulersimapput.

Maannamut periusissiagut suliniuititullu pilersaarutigut tamarmik atorneqassapput nunatta inuisa akornanni naligiinnginnerujussuup akiorneqarnissaanut.

Maannangaaq oqarsinnaavunga tamakku tamarmik nunatta ilorraap tungaanut saatinnissaanut atorsinnaasunik angusaqarfingisalereerigut.

Ilinniartitaanermut pilersaarut ingerlalluarpoq. Ilinniartut 30%-imik 2005-imiit amerleriarpuk, ilinniartullu inissaannik sanaartortitsinerput ilutigalugu ilinniartut amerliartussapput..

Ilinniarnertuunngorniarfinni atualersartut aatsaat taama amerlatigilerput allagartartaartartullu ukiut tamaasa amerliartorlutik.

Piareersarfiiut ussagarneqarput; inuuusuttorpassuaqarpoq Piareersarfikkusuttunik, allaammi ima amerlatigilersimapput ilarpaalussui utaqjisuniittariaqalersimallutik.

Ilisimatusarfimmri atualersut aatsaat taama amerlatigaat, taakkunanngalu ilinniartitsisunngorniartutut atualersut amerlanersaallutik.

Assiliaq ersarissivoq: Inuuusuttut ilinniarnerminnik naammassinnittartut malunnartumik amerliartorput, taakkunanngalu ilinniakkanki naammassinniffiusuni amerleriariunerpaaallutik ilinniartitaanerit inuussutissarsiutinut sammivillit.

Taamatut inuuusuttut ilinniarsimasuunerup pingaarutaanik paasinninnerat nuannaarutissaaginnarani neriuullualersitsivoq, taamaakkaluartoq Naalakkersuisuni aalajangiusimavarput ilinniartitaanermut pilersaarut nalileroqqinniarlugu. Pilersaarut amerlasuunik pitsaaquteqaraluarpoq, sulili iluarsisarialinnik peqartiterpoq. Ilinnialeraluarlutik taamaatitsiinnartartut suli amerlavallaarpuk, pissutsillu taamaattut iluarsisariaqarput.

Aamma oqaatigissavara atuartitaanermi ilinniartitaanermilu immikkut pisariaqartitsisut, soorlu innarluutillit, ilinniagaqarnissaminut periarfissinnejarnissaat pilersaarutini tamani ilanngunneqartalissammata.

Nuannaarutissaavortaaq peqqinnartumik inuuneqarnissamik qaammaasaqarnerput pitsaaneruleriartormat, taamaakkaluartorli iliuuserisartakkagut naammangillat - suli pitsaanerujussuarmik, peqqinnarnerusumik sivisunerujussuarmillu inuuneqarsinnaavugut.

Aamma nuannaarutissaavoq nunatsinni tupatortarneq imigassamillu atuineq milliartormat, kisiannili tamanna sinnassaataananolusooq suli imminut piumaffignerunissamik piumasaqarpoq.

Utoqqaat peqqissumik inuuneqaleriartornerat nuannaarutissaavoq, qimmaallannartaqaarlu utoqqaat suli amerliartortut timip avatillu aalatilluarnissaannik aallussaqaleriartortut takusarlugit. Utoqqaat pujortartartut imigassartortartullu ikiliartorput. Utoqqaat maligassiuisuupput.

Kalaallit ikissuserput eqqarsaatigalugu nuannaarutissarujussuuvoq nunaqqaterpaalussuaqaratta inooriaatsimik pitsaanngitsumik unitsisisartunik. Inoqativut taamaattut aamma nuannaartunarluinnartuupput!

Siorna namminersulernitta kingorna inuit oqartussaaqataanermik atuilluarnerat sunniuteqaqataarusunnerallu inerikkiartortoq misinnarpoq. Soqutigisaqaqatigiiffit naalakkersuisutigoortuunngitsut amerliartorput, tamakku aamma neriulluarnermik tunioraapput. Taamaattumik sinerissami inuit peqatigiiffilerisut, kattuffilerisut allatigullu suliniuteqartut nersorlugit tamaasa sulilluarnissaannik kissaappakka.

Innuttaasut atugarissaarnerulernissaat

Innuttaasut amerlanerusut atugarissaarnerulernissaat Naalakkersuisuni pimoorullugu sulissutigaarput.

Iluarsaaqqinnerit arlalissuit pioreersut nutaallu ingerlappagut, taakkulu ilaat nalilersoqqinnejartariaqartut makkuupput:

- ilinniartitaanermut pilersaarut
- Inuuneritta
- nuttarnerulersitsiniarneq
- atuarfik pillugu peqqussut, kiisalu
- takornariaqarneq.

Naluneqanngitsutut Naalakkersuisut sulisitaannik ataatsimiititaliaqarlunilu suleqatigiissitaliaqarlunilu isumalioqatigiissitaqarpoq.

Tamakku innersuussutigisartagaat aamma tusaaniarlugit aningaasanut inatsisisstatut siunnersuummi Naalakkersuisoqarfinni sipaarniutissat katillugit 30 mio. koruunit siunnersuuteqarfigaagut.

Kommunittaaq allaffissornerminni 8 mio. koruuninik sipaarniuteqarnissaat siunnersuuteqarfigaarpuit.

Akileraartarnermut Atugarissaarnermullu Ataatsimiititaliaq

Akileraartarnermut Atugarissaarnermullu Ataatsimiititaliaq pilersaarutit malillugit sulileruttormi.

Nunatsinni innuttaasut atukkamikkut naligiinnginnerujussuat allanngortinniarlugu ataatsimiititaliaq sulisipparput. Ataatsimiititaliap qulaajagassaasa pingarnerit ilagivaat ilaqtariit meerartallit atugaasa qanoq iliorluni pitsangorsaavigineqarnissaat.

Maannangaaq takusinnaavarput suliniutissarpassuit tamakkua Naalakkersuisoqarfiiit suleriaasiannik aamma allanngortitsinermik nassataqarumaarnerat.

Pingaartumik Naalakkersuisoqarfiiit akornanni sulinerit pitsaanerusumik ataqtigissaarneqartariaqarput, kiisalu Naalakkersuisoqarfiiit aamma kommunit akornanni ataatsimiititaliap innersuussutissai pillugit tunngaveqarluartumik oqallittoqarlunilu allorassaaqatigiittoqartariaqarpoq.

Inunnik isumaginninneq

Inunnik isumaginninnerup tungaatigut anguniakkanik timitalersuinerput ingerlalluarpoq.

Naalakkersuisut periusissiaat "Meeraanermi toqqissisimaneq 2010 – Meeqqanut tunngasuni 2010-mi immikkut ittumik suliniuteqarnermut periusissiaq" majimi aamma saqqummerpoq. Periusissiaq taanna naapertorlugu immikkut ittumik suliniuteqarnermi suliaqarfiiq pingarnerit ilaatigut makku qitiutinneqarput:

- isiginnittaatsinik allanngortitsisumik suliniarneq
- kinguaassiuutitigut atornerluinerit akiorniarlugit suliniuteqarneq, kiisalu
- persuttaasarneq akiorniarlugu suliniuteqarneq.

Siunissaq ungasinnerumaaq eqqarsaatigalugu qanittumi Naalakkersuisut UNICEF-ilu, tassa Naalagaaffiit Peqatigiit meeqqat pillugit aningaasaateqarfialu, isumaqatigiissusiorpugut anguniagaqarfialluartumik.

Isumaqatigiissut taanna makkuninnga pingarnerutitanik imaqarpoq:

- isiginnittaatsinik allanngortitsiniarnermi aamma inooqatigiittut akisussaaffeqarnermi anguniakkanik, aammalu
- meeqqanut inuuusuttunullu tunngasutigut inatsisit misissorneqarnissaannik.

Innarluutilinnik sullissinerup kommuninut nuunneqarnissaa pillugu aningaasaqarniarnermut tunngasortaa maanna isumaqatiginninniutigineqaleruttorpoq. Suliaq tamanna aningaasanut inatsisissap naammassinnginnerani inissereersimassaaq, tassami ukiortaamiit kommunit innarluutilinnik isumaginninnej aningaasatigut akisussaaffigilissammassuk.

Peqqinnissaq

Peqqinnissaq eqqarsaatigalugu anguniakkanik timitalersuinerput ingerlalluarpoq.

Naluneqanngitsutut peqqinnissaqarfiiup aaqqissuuteqqinnejqarneranik nutarterineq ukiortaamiit atuutilissaaq. Allannguutissat pingarnersarissavaat peqqissaaveqarfiiq maanna 16-isut tallimaannanngortinnejqarnissaat. Aningaasarpaaluit sipaerneqassapput siunertanut allanut atugassanngorlugit.

Naqitaaraq peqqinnissaqarfiup aaqqissuuteqqinnejneranut tunngasunik imaqartoq piffissami qaninnermi sinerissamut siammerneqartussaavoq.

Nalunaarusiaq peqqinnissaqarfiup aningaasaqarnikkut aaqqissuussaanikkullu misisueqqissaarfigineqarneranik imaqartoq aprilip qiteqqunnerani saqqummerpoq.

Nalunaarusiami tassani pingaarnertut inerniliussat kaammattuutillu timalersorlugit Naalakkersuisut aallartereerpugut, tamakkulu kingusinnerusukkut peqqinnissaqarfiup aaqqissugaanera pillugu periusissiamik nutaamik inernilerneqarumaarpuit.

Suliniutit isumalluarnartut ilagaat sinerissami Inuunerissarf Finnik pilersitsiortornissaq. Inuunerissarfiiit tassaassapput nappaatit inooriaatsimik pissuteqartut pinngitsoortinniarnissaannut iluaquutasussat.

Assartuussinermut Isumalioqatigiissitat

Nunatta angallannikkut assartuussinikkullu atorluaanerusumik ingerlanneqalernissaa siunertaralugu Assartuussinermut Isumalioqatigiissitat maanna sulisippagut.

Isumalioqatigiissitat isumaliutissiissutaat aasaq manna tunniunneqartussaagaluartoq aatsaat ukiup naanerani Naalakkersuisunut tunniunneqassaaq.

Sivitsuinermut pissutaavoq Isumalioqatigiissitat suliassanik marlussunnik nutaanik suliakkeratsigit, tassa sineriak sinerlugu angallaviup - Arctic Umiaq Line-p angallaviata - siunissaata inuiaqatigiit aningaasaqarneranut naleqqiullugu naliliinissaannik aamma akinut akiliisarnermullu malittarisassanik naliliinissaannik.

Isumalioqatigiissitat unnerput Kujataani assartuussinikkut pissutsit soqutiginartunik maannamut paasisaqarfigiortorneqartut, qularutiginnigilarpullu paasisat tamakku Kujataata ineriartorteqqinnissaanut iluaqutinngorlugit atorumaarlutigit. Kujataani aningaasarsiornikkut ineriartortoqassaaq nunap immikkoortuini ineriartortitsinermut Naalakkersuisut periusissiaat toqqammavigalugu.

Amerikamut Avannarlermut ukiorpaalunngortuni timmisartukkut attaveerussimanerput eqqarsaatigalugu nuannaarutigaarpot kimmot Canadamut timmisartukkut attaveqarnerup ammarneqarnissaa qanilliartormat.

Kommunit aqunneqarnerat

Kommunik suleqateqarnerput attaveqarnerpullu pitsangorsarniarlugu kommunit KANUKOKA-lu peqatigalugit sulinerput ingerlapparput.

KANUKOKA-p siulittaasualu majimi isumaqatigiissuteqarpugut oqartussaaffit Namminersorlutik Oqartussanit kommuninut nuunneqarsinnaasut qulaajaaffigineqassasut. Ataatsimiititaliat politikkikkut allaffissornikkullu malinnaasussat pilersinneqarput. Taakku ingerlaavartumik nalilersuippuit.

Maanna nuannaarutigaara akisussaaffit kommuninut nuunneqartussat pillugit piviusorsiornerusumik tunngaveqarluta naalakkersuinikkullu qaffasinnerpaamik aqunneqartumik aaqqiissuteqarfigigatsigu.

Aappaagu 2011-mi Inatsisartut ukiakkut ataatsimiinnissaanni oqaluuserissavarput "kommunit pillugit nassuaat 2011." Nassuaatip imarisassai ilusissaalu pillugit naammassisqaqrifulluartumik politikkikkut oqaloqatigiinnissanut matumuuna KANUKOKA kommunillu peqatiseraagut.

Inuussutissarsiutinik siuarsaaneq

Nunatta karsiata isertitaasa akiligassaasalu oqimaaqatigiissinniartarnerat ukiuni arlalinngulersuni unamminarsimavoq, ilaatigummi aningaasartuutit isertitaninngarnit amerliartornerusimammata.

Taamaattumik nunatta akissaqaqqilernissaa anguniarlugu massakkorpiaq allanik qinigassaqarpiangilagut kisiannili inuussutissarsiutinik pimoorussisumik siuarsanissamik.

Pingaaruteqarpoq nunatta karsiata isertittagaasa amerlisarnissaat, peqatigitillugulu avaqqussinnaanngilarput aningaasartuutikillisaanissaq. Taamaattuminguna aningaasanut inatsisisamik siunnersuusiornitsinni sipaarniutissanik ikinngitsunik siunnersuuteqartugut.

Nunatta karsiata tigoriaannarnik aningaaqsaqqaqilernissaa isumannaarniarlugu nunanut allanut aningaaasanik taarsigassarsiniartariaqassaagut.

Pissutsit tassunga killiffiat eqqarsaatigalugu nunap immikkoortuini ineriertortitsinissamut periusissiaq paaseqatigiilluta kivitseqatigiiffisariaqarparput.

Nunap immikkoortuini ineriertortitsinermut pissutsit attuumassuteqartut imminut tapertariissutut ikorfartoqatigiissutullu atuupput.

Pingaernerusutigut sammisassat tallimaasut tassaapput:

- inuussutissarsiutit suliffeqarfiallu
- aalisarneq aalisakkanillu suliffissaqarneq
- ineqarnermi pissutsit aamma atortulersuutit
- ilinniartitaaneq, kiisalu
- inunnik isumaginninnikkut suliniutissat ilanngullugit sammineqassapput, inuit arlaannik peqquteqartumik suliffeqarnermi akuujunnaarsimasut sulilerseqqinnejarnissaat tunaartarineqassalluni.

Tamatuma saniatigut nunap immikkoortuini assigiinngitsuni pisariaqartitsinerit suuneri apeqqutaillugit inuussutissarsiutit, suliffissaqartitsinerit ilinniartitaanerillu tungaasigut qanimut peqqissaartumillu ataqtigiissaarisoqassaaq.

Nunaqarfimmiut pissutsinik namminneq atukkaminnik ilisimaarinninnermikkut sunik pitsaanerusorisaminnik aalajangersaasinnaanerat ataqqilluinnassavarput.

Periusissiaq tassa suliaralugu aallartereerparput suliarlu ataatsimut isigalugu sunniuteqarluassappat pisariaqavippoq ataqtigiissaarinissaq toraagalinnillu anguniagaqarluta ingerlaqtigiinnissarp. Tamanna qulakkeerniarlugu tassa kommunit allallu susassaqartut aallaqqaataaniilli suleqatigaagut. Kommunit ataasiakkaat suliniutissatut siunnersuutaat tigujortorneqalereerput naatsorsuutigaarpullu piffissami qanittumi kommunit tamakkerlutik siunnersuutaat tigussallutigit. Maannamut

kommuninik oqaloqateqartarnigut tunngavigalugit Naalakkersuisuni nalilerparput kommunit Naalakkersuisullu suliniutaat, siunnerfigisaat periaasiilu pingarnerusutigut imminnut naapertuuttut.

Inuiaqatigiit isertitaasa amerlisarneqarnissaat tamatta anguniarparput, tassami amerlanerusunik aatsaat isertitaqartalerutta ukiuni makkunani atugartuussusermut aningaasartuutigut qaffakkaluttuinnartut aatsaat malinnaaffigisinnaalissavagut.

Inuussutissarsiuut ineriantorfiusut nunaqvissunik sulisoqarnissaat Naalakkersuisuni pingaartipparput. Ilinniartitaanerup aaqqissugaanerata inuussutissarsiuutinut ineriantorfiusunut suli iluaqtissanngornerullugu allanngorternissaa pisariaqarluinnarpooq. Sulisut ilinniagartuut ilinniarluarsimasullu suli amerlanerusut pisariaqartippavut, taamaattumik piffissami qanittumi nutaarsiassatigut tusakkavut qiimmallannartuupput. Nunarput danskinit ilinniagartuunit inuusuttunit nunassiffigiumaneqarnerulersimavoq, allaat USA-mut nuuttuninngarnit amerlanerit siorna nunatsinnut nuussimallutik.

Suliniutissat annertuut utaqqipput, taamaammat piffissanngorpoq ilinniartitaanerup aaqqissugaanerata siunissami pisariaqartinneqartut apeqquataillugit politikkikkut isumaliutigilluarneqarnissa.

Aamma eqqaamasariaqarparput sulisut ilinniagaqarsimasut ullumikkut suli annertuumik amigaatigineqarmata illuatungaanilu sulisut ilinniagaqarsimanngitsut ilarpassui suliffissaaleqisuullutik.

Inuussutissarsiuuteqarfiiit sulisussaaleqiffiusut inuttassaqalersinniarlugit inuussutissarsiuuteqarfiusunit ingerlanerliorfiusunit inuttalersornissaat qulakkeerniarlugu ilinniartitseqqinnissat amerlanerusut pisariaqarluinnarput.

Tamanna ilaatigut pillugu kollegianik inissianillu nutaanik sanaartortitsinissamik apeqqu periusissiornermi ilaatinneqarpoq politikkikkut anguniagarput ukiut qulit qaangiuppata nunatsinni sulisut 2/3-iisa piginnaasaqalerfiusumik ilinniagaqalersimasuunissaat angutserlugu.

Nunap immikkoortuinik ineriertortitsinermut periusissiaq tamanna aqqutigalugu Naalakkersuisuni anguniarpapput:

- inuussutissarsiutit ineriertorfiusut amerlanerusut pilersinneqarnissaat
- inuussutissarsiutinik siuarsaanermi suliniuteqarneq pitsaanerusumik aaqqissuunneqassasoq
- pikkorissaanerit allanillu ilinniaqqinnerit atorlugit sulisut amerlisarneqassasut, kiisalu
- Namminersorlutik Oqartussanit tapiissutaasartut nalilersoqqinnejarnissaat.

Misissueqqissaarnerit periusissiornermut tunngavilersuutissagut siullit aallartimisaarneqareerput.

Namminersorlutik Oqartussanit tapiissutaasartunut atatillugu nalunaarutigissavarput inuussutissarsiutinut tapiissutit ukiaq manna misissoqqissaarneqassammata, taavalu tapiissutit aningaasalersueriaatsillu allat 2011-mi upernaakkut misissoqqissaarneqassallutik.

Misissueqqissaarnerit ingerlanerat pillugu Inatsisartut ataatsimiititaliaat kalluarneqartussat ingerlaavartumik malinnaatinneqartassapput. Naalakkersuisuni kissaatigaarput periusissiaq politikkikkut sabinngisamik tunngaveqarluartumik tunulequtaqassasoq, minnerunngitsumik pingarnerusutigut anguniagassat siunnerfillu eqqarsaatigalugit, taamaattumik oqareernittut Inatsisartut malinnaatinneqartassapput.

Inuussutissarsiornermut Aatsitassanullu Naalakkersuisoq sinerissami angalasarpoq periusissiamut pilersaarutaagallartut nassuaatigiartorlugit aammalu kommunit susassaqtullu allat siunnersutigisinnaasaat naalaariartorlugit.

Suliap ingerlarngani pingaaruteqarpoq qulakkiissallugu nunap immikkoortuisa ataasiakkaat tulleriaarinermi siunnerfigisaasa periusissiornermut atanilersorneqarnissaat.

Naalakkersuisuni assut pingartipparput taamatut aallartisarnermi pingarnerusutigut siunnerfiit pillugit kommunillu allallu susassaqtut akornanni oqaloqatigiinnerit piffissaqarfingineqarnissaat, taamaaliornikkut suliniut tulleriaariffigissallugu ajornannnginnerulissammat.

Naatsorsutigaarput suliniutit aallartisarneqartut sinaakkusiorneqarnerat pingarnerusutigut ukioq naatinnagu naammassineqassasut.

Inatsisartut Aningaasaqarnermut Ataatsimiitaliaata naammassisqaqfiulluartumik oqaloqatigisarnissaanut qilanaarpugut. Neriutigaarput ukiuni tulliuttuni aningaasanut inatsisisstatut siunnersuusiortarnissani ilusissamik tulluartumik nassaarumaarluta suliniutit suliassallu naammassisassat qanoq tulleriiaariffigineqarsinnaanerannik atorneqarsinnaasumik, soorlu ilinniartitaanermut pilersaarutip ilusilersorneqarneranut assingusumik.

Naalakkersuisut pingartippaat ilisimasat paasisallu tunngaveqarluartut atorlugit periusissiorneq ingerlanneqassasoq aammalu suliaq ingerlaavartumik nakkutigineqassasoq. Tassami pisariaqartitat apeqqutaatillugit sulinerput naleqqussarneqartuarsinnaasariaqarpoq.

Aluminiummimik aatsitsivilioriarnermut atatillugu Inatsisartuni isummerfigisassagut apeqqutit marluupput.

Siullermik isummerfigissavarput ilumut ingerlariaqqinnissamut paasissutissanik naammattunik maanna tunngavissaqarnersugut. Pilersaarut aallartimmalli maannamut suliat pingarnerit ilagisimavaat avatangiisinut sunniutigisinnaasaanik sukumiisumik nalilersuineq.

Naalakkersuisut aalajangiiffigisassatut siunnersuuterput maani akuerineqassagaluarpualluunniit imaanngilaq tassa pilersaarut tamarmiusoq akuerineqartoq. Ilumut aluminiumik aatsitsiviliorqassanersoq kingusinnerusukkut aalajangerneqartussaavoq, aammalu piginnittussaanermik apeqqut aalajangiiffigineqassalluni.

Apeqquut aappaat avatangiisinut sunniutaasinnaasunik nalilersuinermut tunngassuteqarpoq. Tasersiap eqqaani erngup nukissiorfinnik pilersitsiniarnernut atatillugu sapusiortoqassappat kulturikkut erigiasassat tamaaniittut ulugunneqassapput.

Taamaaliorniassagutta Naalakkersuisunit siunnersutigaarput tamaani kulturikkut eriagisassat pingaaruteqartut nalunaarsorneqaaannaratik misissorluarneqarnissaat ingerlateqqaarneqassasoq.

Uuliasiorneq aatsitassarsiornerlu

Inuussutissarsiuutinik siuarsaanermut atatillugu uuliasiorneq aatsitassarsiornerlu inuussutissarsiuutinut ineriartorfiusunut pingarnerpaanut ilaapput.

Ilisimaneqartutut Cairn Energy maanna Qeqertarsuup Nuussuullu avataanni uuliamik ujarlerluni qillereruttulerpoq.

Maannamut paasisat naapertorlugit taavani immap naqqani qillerinerit gasseqarfimmik uuliaqarfimmillu peqarsinnaanerinik tikkuussisinnaapput; tamannalumi upernarsiniarlugu qillerinerit suli ingerlapput. Qillerinernik nakkutiliinitsinni norskit siunnersortigaagut Canadamiullu naalakkersuisusa sinnisaat suleqatigalugit. Paasivarput pisortatut piumasaqaatigut ataqqineqarlutillu malinneqartut, aamma qillerivimmut alakkaanitsinni takuarput sulisut malittarisassanik qanoq malinnilluartiginerat.

Aamma nuannaarutigalugu nalunaarutigissavara siunissami nunaqavissut atorluarneqarnerulernissaat anguniarlugu uulasioqatigiit, kommunit susassaqartut aamma Namminersorlutik Oqartussat akornanni isumaqatigiisummik atsioqatigiikkatta. Isumaqatigiisut imaqarpoq ilinniartitaanermut suliniutinik siuarsaanissamik, tassami angorusulluinnarparput nunaqavissut aammalu nunaqavissut suliffeqarfiutaat sapinngisamik amerlasuut atorneqarnissaat.

Aasaq manna Naalakkersuisunit akuersissuteqarfigaarp Baffinip Kangerlumarnngani uuliamik ujarlefissatut imartat akuersissuteqarfigineqarsinnaasut 17-it. Avatangiisit illersorniarlugit pingaartitarilluinnarparput nunarsuaq tamakkerlugu malittarisassat sukannernerpaat tunngavigineqarnissaat.

Tunup Avannaarsuata imartaani uuliamik ujarlernissamut qinnuteqartitsinissamik neqeroorneq ukiut marluk qaangiuppata ammaatissavarput.

Aatsitassarsiorerit uuliasiornerillu pilersaarutigineqartut ilimagineqartutut ingerlassappata suliffissanik suli amerlanernik pilersitsoqassaaq. Aningaasarsiornerup suliffissaqarniarnerullu tungaatigut pissutsit illuanut saakkiartulnererat misinnarsiartulereerpoq, taamaattumik periarfissat nutaat takkuttarneri malillugit atorluarneqarlutillu iluatigineqartariaqarput.

Aatsitassarsiorneq eqqarsaatigalugu siunissami qanittumi aatsitassarsiorfinnik arlalinnik ammaasoqarnissa naatsorsuutigaarput. Aatsitassarsiorfissatut pilersaarutaareersut naapertorlugit ingerlasoqassappat naatsorsuutigaarput suliffissat nutaat 1000-t tungaanoortut ukiuni tulliuttuni tallimani aggersuni pilersinneqarsinnaanissaat.

Aatsitassorsiornermut politikkimut atatillugu Naalakkersuisut aasaq erseqqissaatigaarput aatsitassorsiornermut inatsit qinigaaffimmi matumani naleqqussarneqassasoq, aammalu aalajangigassat suliallu annertuut pilligit tusarniaasarnissat inatsisitigut malittarisassiorneqassasut. Minnerunngitsumik avatangiisit illersorneqarnissaannik aalajangersakkat aatsitassorsiornermit inatsimmit kaanngartinneqassarnissaat siunnerfigaarput.

Aatsitassanik uranitalinnik misissuinnaanermut piiasinnaanermullu tunngatillugu Naalakkersuisunit erseqqissaatigissavarput uranisiunngilluinnarnissamik politikkikkut aalajangiussaqarneq allanngortinneqanngimmat. Ajuusaarnartuuvoq Naalakkersuisut isumaginngisaannik piffissami kingullermi oqariartuuteqartoqartarmat. Tamanna tatiginassuseq eqqarsaatigalugu kikkunnnulluunniit iluaqutaanngilaq.

Aatsitassanik misissuinissamik akuersissuteqarnermi tunngaviusumik piumasaqaatit qanittumi sukaterpagut.

Sukaterinermut tunuliaqtaavoq ullumikkut malittarisassat naapertorlugit aatsitassanik radiop qinngornerinik nalinginnaasumit qinngorneqarnerusunik naammattuuinermi tamakkuninnga passusseqqusinngilluinnarnissaq piumasaqaataammat. Taamaattoqarnera peqqutaalluni avatangiisit sunnerneqarsinnaanerat pillugu naliliinerit aammalu aningaasarsiorsinnaanermut tunngasortaanik naliliinerit naammassineqarsinnaaneq ajorput, taamaattumik malittarisassanik atuuttunik erseqqissaateqarluta sukaterivugut.

Uran pillugu oqallinnerup tamatigoortumik tunngaveqarluartumillu ingerlanissaa qulakkeerusullugu paasisitsiniaanerit kingulliit ingerlateqqammerpagut.

Pingarnerutilugu anguniarpalput tunisassiatut uranimik piaasoqalissagaluarpat piaanermi pissutsit pingaaruteqartut pillugit innuttaasut paasitinneqarnissaat, inatsit allanngortinnejassappat tamanit oqallisigineqarnissaanut aallarniuttit atorniarlugu. Inatsisartut oqallinnissaat qilanaaraarput.

Piginneqatigiiffiit inuiaqatigiillu

Aktiaateqarluni piginneqatigiiffiit inuiaqatigiinnit pigineqartut amerlanerit qujanartumik aningaasarsiornermikkut siuariartorput, taamaalillunilu Nunatta Karsianit amigartoorutinut matussusiinissamik pisariaqartitsineq annikilliartorluni. Ukiuni aningaasarsiornikkut ilungersunartorfiusuni siulersuisut sulisullu imaannaangitsunik naammassiniagassaqarput – suiliakkiissutillu patajaatsumik naammassiartorneqarnerat pillugu Naalakkersuisut sinnerlugit tamaasa qujassuteqarfigissavakka.

Piginneqatigiiffiit inuiaqatigiinnit pigineqartut inuiaqatigiinni aningaasarsiornermut annerusumik iluaquutasinnaanerat, suleqatigiinnerunissamik periarfissat, suliffeqarfifit inuiaqatigiinnut akisussaaffeqarnerat kiisalu inuiaqatigiit suliffeqarfinnik amerlasuunik piginnittuunerat oqallisigitinniarlugit ukioq manna naatinngagu piginneqatigiiffiit siulersuisui pisortaallu siullermeerutaasumik katersortinniarpagut. Tamatuma kingorna naatsorsuutigaarput inassuteqaatinik Inatsisartunut apuussaqassalluta.

Erseqqissaatigeqqissavara siulersuisut inatsisit tunngavigalugit suliffeqarfifit ingerlanneqarnerannut pisortanillu atorfinitisitsisarnermut soraarsitsisarnermullu akisussaanerat Naalakkersuisuniit tamakkiisumik ataqqigatsigu.

Aalisarneq piniarnerlu

Aalisarneq pillugu nutaamik inatsisiliornikkut Naalakkersuisut qulakkeerusupparput politikkikkut tunngaveqarluartumik aalisarnerup inuussutissarsiutitut ineriertortinnejarnissaa.

Naalakkersuisuni aallaqqaataaniilli ilisimavarput aalisarneq pillugu nutaamik inatsisiliorniarneq suliassarujussuullunilu sivisussasoq. Inatsisissatut siunnersuut tamarmiusoq ukiaq manna ataatsimiinnermi suliarisussaagaluarpalput, kisiannili Naalakkersuisuni aalajangerpugut kinguartissallugu. Taama aalajangernitsinnut tunngavigaarpalput tusarniaanermi maannamat

akissuteqaatigineqartut ersersimmassuk aalisarnerup iluani soqutigisallit assigiinngitsut suli imminnut ungasinnerat.

Aalisarneq nunatsinni inuussutissarsiutit suli pingaarnersarimmassuk Naalakkersuisuni pingaartipparput soqutigisaqaqatigiiffit akisussaassuseqartut itisilerneqartunik siunnersuusiornissaat – pingaartumik aningaasalersueriaatsinut, pisassiissutinik akuersissuteqartarnermut aammalu aalisarnerup iluani kinguaariit nikittarnissaannut tunngasut eqqarsaatigalugit.

Tusarniaanermi akissuteqaatigineqartut tigunerisa kingorna Naalakkersuisut soqutigisaqaqatigiiffillu naapippugut. Soqutigisaqaqatigiiffit suliap ingerlariaqqinnissaanut kinguneqartussanik isumaqatiginninniarernilu naapigaataasinnaasunik siunnersuuteqarniarlutik nalunaareerput.

Naalakkersuisut siunertaraarput suliap ingerlarnga pillugu Inatsisartut Aalisarnermut, Piniarnermut Nunalerinermullu Ataatsimiititaliaata allallu suliamut attuumassuteqartut ingerlaavartumik ilisimatinneqartarnissaat inatsisissatut siunnersuutip Inatsisartunut saqqummiunneqarnissaa angutserlugu.

Naalakkersuisut aamma nalunaarutigissavarput aalisarneq pillugu inatsisisap oqaluuserineqarnissaa kinguartinneqaraluartoq taamaattoq aalisarnerup ineriartorteqqinnejarnissaanut aalisarneq pillugu inatsisip atuuttup iluani periarfissaqareermat, ilaatigut nalunaarutit aalajangersimasut allanngortittarnerisigut. Aamma pisuussutit uumassusillit assigiinngitsut pillugit aqtsinikkut pilersaarusrornerit ingerlapput, assersuutigiinnarlugu raajat pillugit aqtsinikkut pilersaarut piareerpoq aamma qaleralinna tunngatillugu taamaaliortoqassaaq.

Piniarneq eqqarsaatigissagaanni taamaaqataanik allannguisoqarnissaa ersarilluinnarpoq. Nunatta Ammerivia 260.000 sinnerlugit puisip amiinik uninngasuuteqarpoq. Ingerlariaqqinnissaq pillugu Naalakkersuisut suleqatigiissitaliorpugut ukiaq manna nalunaarusiamik kaammattuutinik imalimmik saqqummiisussamik. Nalunaarusiaq taanna qilanaaralugu utaqqivarput, qularinngilarput aamma taanna politikkikkut oqallinnissamut tunngavissiilluarumaarmat.

Silaannap pissusiata allanngoriartornera nunalerinermik piorsaanermut iluaqtiginiassavarput. Naalakkersuisuni nuannaarutigaarpuk Kujataani savaatillit naatitsiniarnermikkut tamanna iluaquersuutigisalereermassuk. Kujataaniit savanik pilersorneqarnitta saniatigut naatitatigut pilersorneqarneruleriartornerput iluarinarpoq, nunattami nammineq tunniussinnaasai sutigut tamatigut atorluartariaqarpagut.

Nunat tamat akornanni suleqatigiinneq

Silaannaap pissusiata allanngoriartornera allatiguttaaq iluaqtigisinnaavarput. Issittumi suleqatigiinnermi akuunitsinni pingaartittuarsinnarpagut silap pissusiata allanngoriartornerata pinngortitamut avatangiisinullu sunniutaasa aammalu annertusiartortumik umiartornerup avatangiisinut sunniutaasa qanumut malinnaaffigineqarnissaat.

Issittoq tassaalerpoq nunarsuarmioqatigiiit ussagarfiat nutaaq, taamaattumik Naalakkersuisuni isumaqarpugut Issittumi Siunnersuisoqatigiiit sulinerat ineriarnermut tamatumunnga naleqqussarneqartariaqartoq.

Qanittumi danskit nunanut allanut ministeriat Lene Espersenilu isumaqatigiippugut ataatsimoorussamik Issittumi politikkissamut iliuusissiorniarluta. Aappaagu majimi Issittumi ministerit nunatsinni ataatsimiinnissaannut danskit kalaallillu Issittumi politikkissamut iliuusissaat saqqummiutissavarput.

Naluneqanngitsutut umiarsuarsuit takornariaatit sinerissatta avataatigut ingerlaartalersut ukiuni makkunani amerlisorujussuupput, avannarparteraluttuinnarlutillu. Upalungaarsimanagerup tungaatigut equeersimaartoqarnerusariaqalerpoq, pingaartumik ullut ilaanni nunatta imartaani ajunaarnersuaqarataarsinnaanera pinaveersaartinniarlugu.

Nunarput Danmarkilu

Danskit naalakkersuisuinik suleqateqarneq annertunerpaatigut ingerlalluarpoq suleqatigiinnerpullu ataqqeqatigiinneq tatigeqatigiinnerlu tunngavigalugit ingerlanneqarpoq. Nunatta siorna aasakkut namminersornermut ikaarsaarsimanagerata ataqqineqarnera malunnarpoq, naak politikerit ataasiakkaat tutsiuttarnerat qanga isummersortaatsinut eqqaanaraluaqisoq.

Taamaakkaluartoq nunasiaataanerup nalaani ukiunilu tamatuma kingorna pisimasut nuanninngitsut sulilu inuppassuarnut nanertuutaasut puttallartuartut qaangerniarlugit assigiinngitsutigut suliniuteqarneq imaannaanngitsuuvoq. Qujanarpoq innuttaasut akornanni qulaajaanissamik aaqqiissuteqarnissamillu ujartuinerit qasjuuilluni ingerlanneqarmata. Pingaartumik meeqqat kalaallit eqqunngitsumik pineqartarsimanerannik qulaajaanissaq siunertaralugu Naalakkersuisut danskit naalakkersuisuinik suleqateqarpugut qulaajaanerit kingorna pisarialimmik iliuusissat tunngavissikkumallugit.

Naggasiut

Nunatsinni periarfissarpassuit atorluarutsigit inuiaqatigiit ingerlatitaanerannut siuarsataasussarpassuit oqalugiarninni matumani iserfigaakka.

Inatsisartuni katersuuttarnigut tamarmik pingaaruteqartuupput unali katersuunnerput isumaqarpunga immikkooruteqartutut isigisinnaagippu. Aningaasanut inatsisisssatut siunnersuuterput paaseqatigiiffagalugu katersuuffigigutsigu nunatta aningaasaqarnerata ilorraap tungaanut saatissinnaanissaa aqqtissiuutiinnarnagu qulakkiissavarput.

Ukiut piisaarfunkitsut maanna aqqusaaqqavagut 1980-ikkullu naajartorneranni nunatta aningaasarliornerujussua puigunaaqisoq misigisaqarfigeqqissanngikkutsigu isumatusaartumik ingerlatsisariaqarpugut.

Naalakkersuinermik suliaqartut pinngitsoqaratik isumatusaartumik ingerlatsiniarsarisarput, isumaqarpungali suli tangeqarnerusumik angusaqarniarluta immitsinnut naalleraannata suleqatigiilluarnissarput aatsaat taamak pisariaqartigilersoq.

Inuiaqatigiit ingerlatitaaneranni iluarsagassarpessaqarpugut, tamattalu allorassaaqatigiissumik sapinngisamillu katataqarnaveersarluta ingerlaqatigiikkutta angusassarput kusarnarneruinnarani anginerussaaq.

Piffissanngorpoq politikkikkut isumaqatigiissutinik tunngaveqarluartunik sapinngisamik kikkunnit tamanit suleqataaffigineqartussanik siunnerfiliisassalluta, soorlu ilinniartitaanikkut qaffassaaniarniarnitsinnut atatillugu immikkut suliuniuteqarnitsinnut assingusunik.

Taamaaliornitsigummi siunnerfiup ataatsip pilersaarusiugaalluartumik suleqatigiiffiginissaanik paasinnilluarnerulersarpugut immitsinnullu kinguarsarnissarput pisariaaruttarluni.

Taamatut isummersornerup qiterpiaraa suleqatigiittariaqarneq, pisariaqarluinnarmammi.

Avatisinniit isigineqaannarata malinnaaffigeqqissaarneqarpugut. Nunarput assorujussuaq soqutigineqarpoq tamannalu atorluarutsigu suleqatissagut amerliartussapput.

Iliuuserisartakkagut isigineqarnitsinnut aalajangiisuulluinnartarput. Torerumik, akaarinnittumik ammasumillu pissuseqarutta pitsasumik utertitsivigineqassaqqaarpugut.

Anersaaq tamanna pigalugu ukiaq manna ataatsimiinnerput ingerlatsigu qularinngilluinnarparalu pitsasussarpassuarnik angusaqaqtigiittarumaaratta.

Naalakkersuisunit kingunissaqarluartumik suleqatigiilluarnissarput kissaatigalugu Inatsisartut ataatsimiilluarnissaannik kissaappagut.

Qujanaq.